

# 臺灣文獻匯刊

■ 陳支平 主編

第六輯

第五冊

◎◎ 九州出版社  
◎◎ 廈門大學出版社

# 臺灣文獻匯刊

第六輯 ◎ 第五冊

王懿德年譜(二)  
籀經堂類稿(節選)  
臺灣進退志

◎◎九州出版社  
◎廈門大學出版社

賊入沙縣縣令王金鏞敗之

安溪永春賊竄沙縣敗鄉團於楊溪鄉縣令王金鏞出戰敗之於城頭會守備李世雄敗之於官南又敗之於大樂莊擒斬數百人

三月粵逆由江西入閩陷光澤邵武崇安建陽泰甯建甯汀州甯化歸化清流永定遂圍建甯府土匪陷沙縣尤溪大田蔓延上杭武平漳平甯洋平和莆田建陽令楊士箴與子繼賢罵賊

王懿德年譜

死知府延英遇害縣令何鎮之署延平守朱景  
式與一子一孫俱戰死公疏請治罪蒙

恩改爲議處

上請兵請餉疏

上劾文武員弁失守城汛疏

再上請餉疏

上請卹死事疏

夏四月公出師駐軍延平

時賊踞建甯順昌洋口延平三面受敵

### 上刪減軍營冗費力求撙節疏

公兩次出師督勦行次所需一切食用之物概不准軍需局供應均由自己備辦有以公爲矯廉者曰此與州縣供應上司不同何以行營委員均有薪水豈大帥獨應枵腹從公且行軍之際備辦亦甚不易一不應手所誤者大

國家當不惜此小費公聞之曰所論不爲無理不知

王懿德年譜

一令局中供應所需不及什一虛靡或不止什九也

代理按察使趙印川解建甯圍

賊攻建甯甚急復築礮臺於雞公嶺以扼援兵印川約提督鍾寶三由福甯甯德政和直達建甯游擊畢定邦由衢口浦城進兵署游擊惠壽間道疾趨設伏於前路乃親率舟師飛駛而進越礮臺而過礮莫能傷賊由陸路截擊惠壽伏

兵起上下夾攻大敗之復令惠壽馳平洋山同  
知陳維漢帶廣勇礮船扼賊舟下駛勇首黃背  
伏山半虎勇泉勇興勇伏山腰印川督軍上山  
賊突下兩伏齊發大敗之賊由山後僻徑繞出  
惠壽又敗之西岸賊船駛至陳維漢擊退之劉  
翊宸出城夾擊畢定邦由吉水北津駛舟直下  
沖擊之斃數百名斬獲老長髮賊首二十五級  
生擒賊目李旺游擊吳鴻源副將馬玉元連敗

王懿德年譜

之賊營悉焚城圍解翊宸兵不滿千固守三十  
日之久印川善調度故有是捷

守備顧飛熊捷於順昌

順昌大幹逆匪勾粵逆糾集十三鄉謝坑土匪  
謀取吉洲顧飛熊軍至以守備胡廷陞李呈瑞  
爲左右軍都司鍾孝臣接應於雄雞關白布塘  
飛熊以中軍誘賊左右軍繞出賊後奮呼登嶺  
短兵相接礮手永福楊光瑞冒火礮入賊圍二

敗之游擊黃禮鈐勝於洋源再捷於馬案峽陽  
丞陳松鶴率聯甲捷於池墩象山

### 上平順昌土匪善後疏

略曰順昌縣所轄雄雞鬬距城三十五里袤延  
百餘里兩岸叢山綿亘中隔溪河與九龍山相  
望上通邵武下達延平隘塹天成乃上游第一  
險要該縣僅防兵九十二名城守副將鎮總兵  
均各駐紮延平城內相距寫遠鞭長莫及以故

王懿德年譜

頻年以來輒復勾結江西廣東匪類麇聚思逞  
兵來則去兵去則來防不勝防勦不勝勦扼要  
控制須設重兵其北岸偏右地名坊上荒坪廣  
闊堪建衙署立營房其次東路黃源村南路婁  
杉鋪西路大幹北路仁壽均宜就地設卡擬請  
派撥副將一員都司一員管帶弁兵五百名駐  
守雄雞關至仁壽則派撥守備一員把總一員  
兵丁二百名駐守大幹則派撥千總一員兵丁

一百名駐守其駐守晏杉鋪則派撥把總一員  
管帶兵丁一百名黃源村亦派撥把總一員管  
帶兵丁一百名部議允行覆奏曰順昌新設副  
將守備各額缺閩省無可移裁調撥請另行添  
設作為順昌營陸路專營用資鎮守其新設都  
司額缺查有駐紮松溪縣城之建甯鎮標右營  
游擊事務較簡地處偏僻堪以裁汰改為順昌  
營中軍城守都司移駐順昌縣城守禦并令兼

王懿德年譜

管順昌營兵船錢糧城守事務其新設千總一  
缺把總三缺查建甯鎮標三營堪以酌量裁汰  
移撥設立專營必須外委額外互相銓束照例  
議設經制外委把總五名外委千總三名額外  
四名即於內地水陸各營簡僻營分勻抽裁撥  
以供差緝協防河面添製巡船四隻即令該處  
汛兵駕駛梭巡該處山路崎嶇毋庸議設馬兵  
其裁撥兵丁一千名於陸路各鎮標協營額兵

內勻抽六百名水師各鎮標協營額兵內勻抽  
四百名所抽兵丁額缺遇有事故缺出歸於順  
昌新營就地招募年力精壯之士著民人由順  
昌營副將考驗拔補所有新設副將一缺都司  
一缺作爲調缺由外邊員請補庶人地得以相  
宜此外應添建衙署兵房及巡船等項工程應  
需經費并於延平府屬勸捐項內動支辦理應  
鑄關防劃分界址分派司哨刊刻鈴記暨新設

王懿德年譜

副將守備應需俸廉等項并一切未盡事宜另行分別移飭查辦造冊咨部

捐制錢三萬緡助餉

五月復建陽崇安汀州光澤大田

閏五月延建邵道趙印川副將畢定邦復邵武  
粵賊之踞邵武也西連汀州東接建甯橫阻上  
下游自建甯之捷趙印川鍾寶三王肇謙惠壽  
三路並進沿途追殺所向披靡邵武城內之賊

晝伏夜出以防攻襲畢定邦率千總趙方荆由  
陸路進與印川會賊營於沙溪黃塘分布抗拒  
定邦連勝之高士濬危得勝督鄉勇合勦焚城  
外賊巢賊棄城走寶三定邦飛熊追擊大敗之  
移師建甯縣

復歸化清流泰甯

公疾請假

疏略云臣抵延以來先因途次感冒風寒患病

王懿德年譜

旬餘旋患胃氣不舒脾波日久未愈延醫診調  
據稱肝木上沖思慮過甚必須靜心調攝方可  
漸次復原維時軍情正緊全省騷動扶危定變  
事機閒不容髮何敢顧惜軀命稍耽安逸雖被  
賊竄陷各城現在次第恢復大局粗安第建甯  
甯化兩縣尚被逆匪竄踞各處土匪尚未一律  
殲除界連江右邊防布置亟須周密籌辦撫卹  
善後在在均關緊要臣忝膺疆寄受

恩至渥受

知最深當此時事孔棘何敢以患病未痊偷安旦夕

惟臣年六十氣體素弱自咸豐三年閒由泉州  
勦辦會匪旋省兩耳漸覺重聽精力較前已遜  
此次江右逆匪竄擾閩疆土匪乘機蜂起經臣  
帶兵紮定要衝嚴督進勦雖計時甫及三月而  
外寇內匪環迫攻擾警報日數至或數十至不  
等賊眾則兵單可慮兵集則餉乏堪虞其閒萬